



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 17. Jesuitæ publico edicto ex Bohemiæ Regno proscripti.

---

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII.  
A. C. 1618. ditibus conscribunt, vectigalia, census-  
que publicos novis indictionibus extor-  
tos in Regni calamitatem depeculan-  
tur, inque usus suæ factionis avertunt,  
atque e toto Regno, vix duobus oppi-  
dis exceptis, Regios exauctorant, eii-  
ciuntque, ac denique arma etiam in  
Bohemiã, Silesiamque, ipsam post-  
modum Austriam, reliquasque Provin-  
cias Cæsari subiectas movent: Denique  
Calviniani Prædicantes omnis rebellio-  
nis auctores, divulgatis famosis libellis  
ubique populum ad seditionem concit-  
tarunt, imo & ipsum Fridericum Pala-  
tinum Electorem postea ad Bohemiæ  
Regnum evocarunt.

## §. XVII.

*Jesuitæ publico edicto ex Bohemiã  
Regno proscripti.*

Cum vero Bohemi rebelles non modo  
Regem, sed & Cæsarem instigan-  
tibus Jesuitis in se concitatos suspi-  
cantur, aliunde vero ex horum bonis  
ac divitiis pingue spoliũ sibi polliciti  
essent, die prima Junii una omnes pub-  
lico hoc edicto ex universo Bohemiæ  
Regno proscribere, hujus severitatis  
causas his verbis exponentes: *Omni-  
bus tribus sub utraque Ordinibus satis  
constat, quantis periculis, & incommodi-  
tatibus*

tatibus regnum illud, a primo Sectæ Jezu-  
 fuiticæ in illud ingressu, expositum, quid-  
 que afflictionis, & miseriarum experti om-  
 nes fuerint. Harum incommoditatum cau-  
 sam unam & solam a Jesuitis dependere,  
 re ipsa Defensores cognoverunt, qui id pro-  
 positum sibi habent, ut Sedem Romanam fir-  
 mare, & regna mundi totius omnia sub  
 potestatem suam redigere possint. Nam ne  
 Deum quidem reverentes, quæ ad eam rem  
 facere possint, sedulo facere, Principes ad-  
 versus seipsos concitare inter Ordines regio-  
 num, diversam religionem foventium dissi-  
 dia excitare, magistratus adversus subditos,  
 & hos contra magistratus suos incitare, Re-  
 ges ad nutum suum componere, & nolentes,  
 Sicariorum libidini exponere, sceleratos  
 quosque ad parricidia in Regibus perpetranda,  
 salutis æternæ consequendæ, & purgato-  
 riæ evitandæ promissione animare, amicos  
 adversus invicem committere, in secreta  
 omnia per auricularem confessionem suam in-  
 quirere, conscientias hominum laqueum im-  
 mittere, & eas ita constringere intenti sunt,  
 ut sine consensu ipsorum, ne bonum quidem  
 quod sit, facere audeant, quemadmodum  
 etiam thesauros ingentes, Templariorum ex-  
 emplo sibi compararint, in politicam guber-  
 nationem sese immiscuerint, & iis qui Ro-  
 manam religionem non amplectuntur, fidem  
 servandam nullam esse docuerint, hæreticos  
 eos proclamantes. Testimonia hujus rei sa-  
 tis

Sæc. XVII.  
 A. C. 1618.

Sæc. XVII. A. C. 1618. *tis manifesta, & perspicua, Gallia, An-*  
*glia, Hungaria, Transylvania, Veneti,*  
*Belgium, & regna regionesque aliæ suppe-*  
*ditant. In hoc ipso Bohemice regno, cum*  
*post perpeffas, ex ipsorum instinctu, afflictiones*  
*varias, Regales a Cæsare Rodolpho super ex-*  
*ercitio religionis libero Bohemi obtinuissent*  
*litteras, & pacta cum illis sub una, de non*  
*vituperando, criminando, damnando, sese*  
*invicem iniissent, inque tabulas publicas,*  
*majoris confirmationis ergo inserenda omnia*  
*ista curassent, veriti non fuerunt, posthabi-*  
*ta pœnarum Majestatis literis expressarum*  
*comminatione, Ordines sub utraque pro con-*  
*cionibus suis calumniis proscindere, & tan-*  
*quam hæreticos condemnare, literas Maje-*  
*statis in alienum sensum trahere, easque*  
*Cæsareæ Majestatis, Cameræque regalis,*  
*Monasteriorum item, & Ecclesiasticorum,*  
*nec non Ordinum sub una subditos minime*  
*pertinere dicitarunt, Regem Bohemice non pos-*  
*se Majestatis istas literas confirmare, & religio-*  
*nis libertatem fidelibus suis subditis sine Pon-*  
*tificis Romani consensu permittere dixerunt:*  
*cum Papa tamen neque in Ordines Bohemice,*  
*nec in Regem Dominum suum juris quicquam*  
*habeat. Publice affirmarunt, Regis subditos*  
*ad Ecclesiasticam maxime jurisdictionem per-*  
*tinentes, a religione sua sub utraque ad eam*  
*sub una vel invitos trahere, templa ipsis*  
*præcludere, & aliquibus in locis solo æqua-*  
*re, religionis exercitia prohibere, officia*  
*Regis*

Regis regnique primaria non nisi illis, qui Sæc. XVII.  
A. C. 1618.  
sub una sunt, administranda permittere, eos vero, qui sub utraque sunt, ab Officiis publicis nulla causa, quin imo conscientia ipsorum reclamante, cum dedecore, & ignominia remove re ausi sunt. Hac ratione id tandem effecere, ut paucis quibusdam sub una perfidis hominibus, patriæ totius administratio cederet, quorum opera patriæ interitum, fidelibus vero sub utraque Ordinibus extremam perniciem, & exterminationem accelerarunt. Cum igitur malorum omnium in regno auctores sint, indigni sunt, qui in eo diutius vivant, & tolerantur. Defensores ergo animadvertentes, mala ista finem non habitura, nec pacem in regno constantem fieri posse, sed & Regem, & Ordines omnes cum uxoribus, liberisque, & bonis suis omnibus, in summo periculo versari oportere, quamdiu Sectæ isti perniciosissimæ locus aliquis in regno relinquitur, notum omnibus faciunt, quod deliberato consilio, & omnium ordinum impetrato consensu Jesuitas omnes ex oppidis Pragensibus, Crumano item, Comurtavio, Neuhusio, Glatzio, & locis aliis, in quibus Collegia sua habent, quin imo ex toto Bohemice Regno proscripserunt, & præsentibus hisce literis in æternum proscribunt, ita ut omnes Regno quiete excedere, & nullo unquam tempo-

Sæc. XVII. re, ne sub alterius quidem Ordinis titulo  
 A. C. 1618. redire in Regnum istud debeant, ni incur-  
 rere in pœnam, de ipsis & omnibus eos  
 excipientibus, foventibusque, certissime su-  
 mendam, & perniciem sibi, fautoribusque  
 suis, tanquam Reipublicæ turbatoribus,  
 & manifestis hostibus, accersere ex Regni  
 constitutione velint. Nullus enim plane  
 reditus ipsis in regnum istud, ne ad Ro-  
 mani quidem Pontificis intercessionem, pa-  
 tere debet, nec si illud a quoquam expe-  
 tatur, intercedere pro illis quisquam ex  
 Ordinibus debeat, pœna quietis publicæ  
 turbatoribus debita, in eum qui id faciat,  
 constituta. Notum id literis publicis ad  
 perpetuam memoriam fieri omnibus deberet.  
 Alios tamen Ordines sub una in monaste-  
 riis viventes, & alibi, dummodo quietos  
 se gerant, hac proscriptione, quæ Je-  
 suitas solos, utpote ex Regnis quibus-  
 dam etiam aliis jam pridem proscriptos,  
 concernit, intellectos minime volunt.

Hæc vitia Protestantes Bohemi non  
 nisi ex innato in Societatem odio Jesui-  
 tis exprobabant, eorum tamen Supe-  
 riores, ut omnis deinceps ansa aut ju-  
 sta calumniandi ratio ab eorum subdi-  
 tis longe abesset, prorsus salubriter ac  
 provide varias ediderunt Constitutiones  
 atque instructiones, in quibus præ ce-  
 teris hæc habentur: *Sæcularitas*, &  
*Aulicisimus insinuans se in familiaritates &*  
*gratiam*

gratiam exterorum, morbus est in Societa- Sæc. XV. I.  
 te & intra & extra periculosus, & Fe- A. C. 1618.  
 fuitis, qui eum patiuntur, & Nobis Su-  
 perioribus fere nescientibus paulatim subin-  
 trat specie quidem seu obtentu lucrifaciendi  
 Principes, Prælatos, Magnates, conci-  
 liandi ad Divinum obsequium hujusmodi  
 homines Societati, juvandi proximos &c.  
 sed revera quærimus interdum nos ipsos, &  
 paulatim ad sæcularia deflectimus, id est,  
 avaritice & ambitioni non minus, quam sæ-  
 culares indulgemus . . . . sæcularia nego-  
 tia, & quæ sunt a nostro instituto alienis-  
 sima, & vehementer a spiritualibus avo-  
 cant, multo magis evitari convenit, præ-  
 cipue publicis ac sæcularibus Principum ne-  
 gotiis, quæ ad rationem Status pertinent,  
 nulla ratione indulgendam est Ordini, nec  
 per quoscunque requisito, aut rogato ejus-  
 modi rebus politicis se immiscendum. Id-  
 circo mandamus Superioribus, ne permit-  
 tant nostros iis rebus ullo modo implicari,  
 & si quos ad eos propensos animadvertant,  
 eos loco mutandos quamprimum procurent.

## §. XVIII.

*Cæsar datis ad Utraquistas literis  
 tumultus componere intentus.*

Enimvero tam atrox subditorum rebel- Anth. Dan-  
 lio justam Cæsaris vindictam pro- tisc. t. 12.  
 vocare videbatur, nihilominus clemen- lib. I.  
 tissimus